

ADMINISTRACIÓN LOCAL

MUNICIPAL

TOURO

Axudas de carácter económico destinadas ao gasto de consumo enerxético das persoas consumidoras vulnerables

EXPEDIENTE 2024/A002/000006. Axudas de carácter económico destinadas ao gasto de consumo enerxético das persoas consumidoras vulnerables.

A Xunta de Goberno local, en sesión ordinaria celebrada o 8 de outubro de 2024 adoptou o seguinte acordo:

PRIMEIRO. Aprobar as Bases reguladoras das axudas de carácter económico destinadas ao gasto de consumo enerxético das persoas consumidoras vulnerables

SEGUNDO. Publicar as presentes Bases no Boletín Oficial da Provincia.

Bases reguladoras das axudas de carácter económico destinadas ao gasto de consumo enerxético das persoas consumidoras vulnerables

1. CONTEXTUALIZACIÓN

O Pleno da Deputación Provincial da Coruña, con data do 24/11/2023, aprobou o Plan provincial de cooperación ás obras e servizos de competencia municipal (Plan único de concellos) "POS+2024". (BOP nº 227 de 28 de novembro de 2023).

Os destinatarios deste Plan son os 93 concellos da provincia aos que se lles asignan as cantidades que resultan da aplicación dos criterios establecidos na base 4.

No financiamento deste Plan participa a Deputación provincial da Coruña e, de ser o caso, os concellos que voluntariamente realicen achegas para completar o financiamento dos seus investimentos.

Este Plan, contempla diferentes liñas de subvencións, entre as que figura o desenvolvemento do Servizos Sociais, POS+Adicional 1/2024 para gastos sociais extraordinarios do exercicio 2024 (Base 12).

O POS+ adicional 1/2024 ten a finalidade de apoiar aos servizos sociais municipais, permitíndolles incrementar o seu gasto social extraordinario e a tramitación urxente das prestacións sociais necesarias en situacións de risco de exclusión, freando e previndo tanto a cronificación como o círculo vicioso da desigualdade social, incidindo nos fenómenos que xeran malestar e conflito ás persoas máis vulnerabilizadas e procurando o benestar social do conxunto da poboación dos municipios.

O Concello de Touro presentou e ten aprobada a súa solicitude para o POS+Adicional 1/2024 para gastos sociais extraordinarios do exercicio 2024. Entre os programas aprobados inclúense as axudas económicas para os gastos de consumo enerxético ás unidades de convivencia consumidoras vulnerables (12.1.h). Este programa consta dun orzamento de 30.000,00 €.

2. OBXECTO

A Base 12 deste Plan, plantexa que, a actual crise económica está a deixar unha importante pegada social, que orixina un aumento dos niveis de pobreza e exclusión social dos colectivos máis vulnerabilizados, que carecen de medios económicos suficientes para asegurar a cobertura das necesidades básicas.

O incremento que sufriu o prezo da electricidade, levou consigo un aumento na demanda do bono social de electricidade, que, non sempre resulta favorable para as persoas solicitantes. Esta demanda é un indicador da necesidade de axuda económica, por parte de persoas vulnerables, para afrontar os custes básicos da electricidade da súa vivenda.

Por medio deste regulamento, establécense axudas de carácter económico destinadas ao gasto de consumo enerxético ás unidades de convivencia consumidoras vulnerables do Concello de Touro, contando cun orzamento de 30.000,00 €.

A axuda farase efectiva a través do pago dos gastos de subministración de electricidade, previamente xustificadas polas persoas, xa sexan facturas pagas ou pendentes de pago.

3. PERSOAS DESTINATARIAS

Serán destinatarias destas axudas as persoas con plena capacidade de obrar ou o seu representante legal, que a soliciten e a perciban, en nome propio e sexan titulares do contrato de subministración de electricidade da vivenda de uso habitual ou teñan un contrato de alugueiro correspondente ao período xustificativo das facturas aínda que o titular sexa o arrendador.

A persoa titular ou arrendadora da vivenda asumirá a representación da citada unidade.

Non se poderá conceder máis dunha axuda por unidade de convivencia.

4. REQUISITOS DAS PERSOAS BENEFICIARIAS

Encontrarse nunha situación de persoa consumidora vulnerable: persoas ou familias soas, menores, persoas maiores e/ou dependentes, persoas con diversidade funcional, persoas con enfermidade mental, persoas con adicións, mulleres vítimas de violencia de xénero, e aquelas persoas en risco de exclusión social que carezan de medios económicos suficientes para asegurar a cobertura das necesidades básicas.

Ademais, as persoas solicitantes, consumidoras vulnerables, deberán cumprir algún dos seguintes requisitos:

a) Que a súa renda ou a renda conxunta anual da unidade de convivencia a que pertenza sexa inferior ou igual ao 2 X IPREM de 14 pagas.

Cando a súa unidade de convivencia estea formada por máis dunha persoa, o multiplicador de renda respecto ao índice IPREM de 14 pagas se incrementará en:

0,5 por cada membro adicional maior de idade que conforme a unidade de convivencia

0,75, por cada menor de idade da unidade de convivencia.

IPREM MENSUAL: 600,00

IPREM ANUAL X 14 PAGAS = 8.400,00 €

Para o cómputo dos ingresos, o Concello terá en conta a base imponible xeral e de aforro da última declaración do IRPF (2023). No caso de que a persoa non estea obrigada a presentar a declaración do IRPF acreditará os ingresos anuais a través de nóminas, certificados do INEM, certificados da Seguridade Social, percepción de subvencións, certificados de intereses bancarios ou de calquera outra forma que os Servizos Sociais Comunitarios Básicos considere necesaria para acreditar os ingresos.

2. Todas as persoas da unidade de convivencia con ingresos económicos sexan pensionistas do Sistema da Seguridade Social (xubilación ou incapacidade permanente) e perciban a contía mínima vixente en cada momento para ditas clases de pensión, e non ter outros ingresos cuxa contía agregada anual supere os 500 euros.

3. Algunha persoa da unidade de convivencia sexa titular da prestación do Ingreso Mínimo Vital en nome propio ou en nome da unidade de convivencia, conforme ao establecido na Lei 19/2021 do 20 de decembro, pola que se establece o ingreso mínimo vital.

4. Percepción da Renda de Inclusión Social de Galicia, conforme ao establecido na Lei 10/2013 do 27 de novembro, de inclusión social de Galicia.

5. Acreditar os custes de electricidade correspondentes ao ano 2023 no seu domicilio habitual.

6. Estar empadroadado/a no Concello de Touro nunha data anterior á data de publicación destas bases.

5. TIPOLOXÍA E CONTÍA DAS AXUDAS

A) Axudas para pago dos gastos de subministración de electricidade, previamente xustificadas polas persoas beneficiarias.

Axustarase a contía da axuda á necesidade formulada ata un importe máximo de 250,00 €. Estas axudas non poderán superar o custe das facturas presentadas pola persoa solicitante.

As axudas resolveranse por orde de puntuación ata o esgotamento da partida orzamentaria prevista.

6. BAREMACIÓN DAS AXUDAS

As solicitudes que se reciban serán valoradas polos servizos sociais municipais, aplicando o baremo correspondente. Para iso, establécense os seguintes criterios que se ponderarán unha vez se cumpran os requisitos de acceso á convocatoria, establecidos no punto 4 deste regulamento:

Familias numerosas: 1 punto

Familia monoparental: 1 punto

Ingresos económicos inferiores nun 50% aos establecidos nos requisitos de acceso: 1 punto

Persoa na unidade familiar con discapacidade ou dependencia: 1 punto por cada unha nesta condición

7. DOCUMENTACION

1. Solicitude de axuda, segundo o modelo, debidamente cumprimentado.
2. DNI NIF da persoa solicitante e das persoas maiores de 16 anos da unidade familiar.
3. Libro de familia
4. Facturas de subministración de electricidade correspondentes ao exercicio de 2023.
5. Declaración do IRPF dos membros da unidade familiar con obriga de presentala: No caso de non presentar a dita declaración, presentarán o certificado de rendas correspondente ao Exercicio de 2023.
6. Certificado de pensión para o caso de pensionistas que perciban a contía mínima vixente.
7. Documento que acredite a titularidade de conta bancaria.
8. Título de familia numerosa, certificado de familia monoparental, certificado de discapacidade e/ou certificado de dependencia, se así fose o caso.
9. Contrato de alugueiro da vivenda, de ser o caso.
10. Compromiso de destinar a axuda á finalidade para a que é concedida, segundo modelo.
11. Declaración das axudas recibidas polos mesmos conceptos.
12. Calquera outra documentación que para a correcta valoración da solicitude lle poida ser requirida durante a tramitación.

8. FORMA, LUGAR E PRAZO DE PRESENTACIÓN DE SOLICITUDES

A solicitude acompañada da documentación complementaria especificada presentarase a través da sede electrónica ou no rexistro de entrada do concello de Touro dirixida ao Alcalde - Presidente.

De xeito excepcional, os expedientes poderán ser presentados de oficio, cando concorran circunstancias graves, extraordinarias ou urxentes que así o aconsellen.

O prazo para a presentación de solicitudes será de 20 (vinte) días naturais contados a partir do día seguinte da publicación destas bases no BOP

9. TRAMITACIÓN

Unha vez recibida a solicitude, e en caso necesario, requirirase ó interesado para que proceda á emenda de erros ou para achegar a documentación necesaria nun prazo de 10 días, facéndolle saber que no caso contrario a súa solicitude será desestimada (art. 68 da lei 39/2015, de 1 de outubro, do Procedemento Administrativo Común das Administracións Públicas), procedéndose ó arquivo do expediente.

O expediente será valorado polos Servizos Sociais Comunitarios básicos, que elaborará un informe preceptivo coa proposta de valoración correspondente.

10. RESOLUCIÓN E NOTIFICACIÓN ÁS PERSOAS SOLICITANTES

A solicitude, coa documentación adxunta, o correspondente informe social, e logo de fiscalización de Intervención, será elevado a Xunta de Goberno Local para que acorde o que corresponda, na que polo menos quedará reflectido: beneficiario, concepto, contía e forma de pagamento. En todo caso, a axuda concederase en función dos créditos dispoñibles neste Concello para estas prestacións:

1. Partida destinada ao gasto de consumo enerxético das persoas consumidoras vulnerables: 30.000,00 €.

11. XUSTIFICACIÓN

Presentación das facturas de electricidade, xa sexan pagas ou non, correspondentes ao ano 2023.

ANEXO I**SOLICITUDE DE AXUDA DE CARÁCTER ECONÓMICO DESTINADA AO GASTO DE CONSUMO ENERXÉTICO DAS UNIDADES DE CONVIVENCIA CONSUMIDORAS VULNERABLES****1. DATOS DO/A SOLICITANTE**

Nome e apelidos:

DNI:

Enderezo:

Teléfono fixo:

Teléfono móbil:

Correo electrónico:

E, na súa representación, (deberá acreditarse a representación fidedigna por calquera medio válido en dereito)

Nome e apelidos:

DNI:

NÚMERO DE CONTA BANCARIA PARA O PAGO DA SUBVENCIÓN

ES

A PERSOA SOLICITANTE OU REPRESENTANTE DECLARA

1. Que todos os datos contidos nesta solicitude e nos documentos que se achegan son certos.
2. Que está ao corrente coas obrigas tributarias e coa Seguridade Social, autorizando ao Concello de Touro a comprobar de oficio que está ao corrente no cumprimento das súas obrigas tributarias.

DOCUMENTACIÓN QUE SE PRESENTA OU XA FOI PRESENTADA CON ANTERIORIDADE

1. Solicitude de axuda, segundo o modelo, debidamente cumprimentado.
2. DNI NIF da persoa solicitante e das persoas maiores de 16 anos da unidade familiar.
3. Libro de familia
4. Facturas de subministración de electricidade correspondentes ao exercicio de 2023.
5. Declaración do IRPF dos membros da unidade familiar con obriga de presentala. No caso de non presentar a dita declaración, presentarán o certificado de rendas correspondente ao Exercicio de 2023.
6. Certificado de pensión para o caso de pensionistas que perciban a contía mínima vixente.
7. Documento que acredite a titularidade de conta bancaria.
8. Título de familia numerosa, certificado de familia monoparental, certificado de discapacidade e/ou dependencia, se así fose o caso.
9. Contrato de alugueiro da vivenda, de ser o caso.
10. Compromiso de destinar a axuda á finalidade para a que é concedida, segundo modelo.
11. Declaración das axudas recibidas polos mesmos conceptos.
12. Calquera outra documentación que para a correcta valoración da solicitude lle poida ser requirida durante a tramitación.

CONSENTIMENTO PARA A COMPROBACIÓN DE DATOS

Coa finalidade de poder tramitar esta solicitude de subvención, solicitamos o seu consentimento para a comprobación de datos necesarios.

A persoa interesada autoriza á consulta a outras administracións públicas da información referida a:

	Si consinto	Non consinto
Estar ao corrente coas obrigas tributarias		
DNI/NIE da persoa solicitante		
Empadramento da persoa solicitante		

No caso de non autorizar a consulta, deberá aportar o/os documento/s correspondente/s.

INFORMACIÓN BÁSICA SOBRE A PROTECCIÓN DE DATOS PERSOAIS

O Responsable de Tratamento dos datos persoais é CONCELLO DE TOURO, con dirección na rúa Isabel II, nº26, 15822 - TOURO (A CORUÑA); correo@concellodetouro.gal.

1.- DPO: O Delegado de Protección de Datos do CONCELLO DE TOURO é Servizos de Adaptación Continua en Protección de Datos RB, S.L. có que poderá contactar en correo@concellodetouro.gal.

2.- Finalidade do tratamento: A finalidade deste tratamento é a tramitación administrativa da xestión desta axuda.

Para a correcta prestación do servizo, poder ser necesario solicitarlle datos sobre a discapacidade do/a menor causante da axuda, coa finalidade de realizar os trámites relativos á súa solicitude.

Prazo de conservación: os datos facilitados conservaranse durante o tempo necesario para poder atender a súa solicitude, así como para dar cumprimento legal ás xestións administrativas derivadas da prestación do servizo. No suposto de solicitar a supresión destes datos, serán conservados ata que se vexa cumprido o prazo de prescrición de posibles responsabilidades derivadas do seu tratamento.

3.- Lexitimación: Este tratamento de datos persoais está lexitimado polo consentimento que nos outorga coa firma da presente circular.

4.- Destinatarios de cesións:

Por tratarse dunha solicitude de subvención, os datos persoais facilitaríanse a tódalas Administracións Públicas con competencia na materia, no caso de ser requiridos.

Así mesmo, os seus datos serán facilitados á entidade financeira que vostede indique para o pago desta subvención.

5.- Dereitos: O Concello de Touro dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, na casa do concello ou por correo electrónico en: correo@concellodetouro.gal, sempre acompañados dunha copia do seu DNI que acredite a súa identidade.

Considérase que se non atendemos correctamente os seus dereitos, poderá formular unha reclamación ante a Axencia Española de Protección de datos, a través das seguintes vías:

- Sede electrónica: www.aepd.es
- Correo postal: C/Jorge Juan 6, 28001 – Madrid
- Teléfono: 901 100 099 / 31 266 35 17

Touro, a de do 2024

Ado. .:

ALCALDE - PRESIDENTE DO CONCELLO DE TOURO

ANEXO II

COMPROBACIÓN DE DATOS DOUTRAS PERSOAS DA UNIDADE FAMILIAR QUE NON FIGUREN COMO SOLICITANTES. SOLICITUDE DE AXUDA DE CARÁCTER ECONÓMICO DESTINADA AO GASTO DE CONSUMO ENERXÉTICO DAS UNIDADES DE CONVIVENCIA CONSUMIDORAS VULNERABLES

As persoas interesadas, mediante a súa sinatura, aceptan a incorporación dos seus datos persoais ao expediente en tramitación. No caso de terceiras persoas interesadas menores de idade o presente documento deberá ser asinado por un dos proxenitores, titor/a ou representante legal. No caso de que as persoas interesadas se opoñan a esta consulta, deberán indicalo no cadro correspondente e achegar unha copia dos documentos.

A persoa interesada autoriza á consulta a outras administracións públicas da información referida a:

NOME E APELIDOS	DNI	MENOR DE IDADE	TITOR/A OU REPRESENTANTE LEGAL		AUTORIZACIÓN A COMPROBACIÓN DE DATOS.	SINATURA
			NOME E APELIDOS	DNI	Estar ao corrente coas obrigas tributarias DNI/NIE da persoa solicitante Empadramento	

Touro, de de 2024

Touro, 8 de outubro de 2024

Roberto Castro Rocamonde, alcalde-presidente

2024/7120